

**S** **LO**  
Afl. 1.25

BRIYANDO FUERTE • TRECIENDO CLARIDAD  
DIAMARS 19 MAART 2024

*Di Pueblo*

**HUES TA HAYA CU  
ACUSADO A CAUSA CU SU  
AMIGO A TIRA SU  
MES MATA**



**WWW.SOLODIPUEBLO.COM**



**SOLODIPUEBLO@GMAIL.COM**

## **PUSTAMENTO DI AUTO A OCASIONA ACCIDENTE FATAL NA SAVANETA**



### **2 HINCAMENTO Y 2 HERIDO CU MACHETE NA DAKOTA**



### **VIDEO TA MUSTRA CU PUSTAMENTO DI AUTO TA CAUSA DI ACCIDENTE; TIN UN AUTO MAS ENVOLVI**



## **CELEBRACION GRANDI DI HINMO Y BANDERA**







# Noticia di Corte

## COLOMBIANO CU A PURBA EXPORTA 37 KILO DI COCAINA DEN AIRCO PA HULANDA CONDENA NA 4 AÑA DI PRISON

ORANJESTAD – E homber Colombiano Y.T. (45) biba na Aruba a presenta den Corte pa e caso penal cu Ministerio Publico a cuminsa contra dje.

SOLO DI PUEBLO por a compronde cu Fiscal a existi 5 aña di prison pa Y.T. cu a purba trafica 37 kilo di cocaina den compresornan di airconan. Hues no a sigui Fiscal y a condena Y.T. na 4 aña di prison.

### A KITA ACUSACION DI LABAMENTO DI PLACA

E acusacionnan cu Fiscal a presenta contra Y.T. ta cu entre 8 Augustus y September 2023, a exporta cocaina pa Hulanda. Tambe cu Y.T. lo ta involvi den labamento di placa y a viola ley di obliga notifica cantidad di placa cu e tin na Douane. Tambe un cantidad di joyas, un holoshi Rolex y pañanan.

Abogado mr. Carlo a bisa Hues cu ta buscando documentonan pa demostra cu no tin labamento di placa sino cu ta entradanan di trabaonan di construccion di compania di Y.T. Ademá e asunto di holoshi di pols Rolex, tambe tin declaracion di persona cu a regala esaki. E abogado ta kere 2 pa 3 siman lo tin tur e documentonan. Fiscal a bisa Hues, cu e kier declara Y.T. liber di labamento di placa. Fiscal a bisa cu no ta sigui cu e caso di labamento di placa mas pero si e caso di no a declara cantidad di placa, joyas y paña na Douane.

### EXPORTA COCAINA

Hues a puntra Y.T. si ta berdad cu el a exporta cocaina. Y.T. a admiti. Hues a bisa cu ta un cantidad di 37 kilo scondi den airconan pa hiba Hulanda. Hues a bisa cu Y.T. a declara na Polis cu no ta promer biaha cu el a haci esaki. Den pasado Y.T. a yega di haci'e caba pero menos droga. Y.T. a bisa cu el a viaha pa Hulanda pa cumpra un machine pa coba. Ora el a bolbe y a ripara cu tur su placa a bay, el a dicidi di haci algo pa haya placa pa asina su compania di construccion por sigui opera. Door cu el a yega di haci'e den pasado, el a bolbe haci'e. El a bisa cu e biaha aki nan tabata 4 persona: dos Colombiano y dos Curasoleño. Y.T. a declara cu el a percura pa 10 kilo di cocaina. Segun Y.T., el a haya e droga for di Venezuela na un prijs hopi abao.

Den Corte a sali na cla, cu den pasado Y.T. a cay den man di husticia Americano pa traficacion di cocaina. Segun Y.T. door di su pasado, hendenan tabata acerke y asina el a haya e 10 kilo di cocaina. El a bisa cu e ta arepentí di loke el a haci. El a splica Hues cu den e mundo di construccion no ta un secreto cu un compania di construccion mester duna comision pa asina por haya contract di construccion na empresanan grandi.

### AGENTENAN KIER A HACI DEAL

Ariba pregunta di mr. Carlo, Y.T. a splica con hopi presion e agentenan di droga a pone riba dje y menazanan. Entre otro cu agentenan a menaza cu lo laga kita su yiu for di dje via Voogdijraad. Tambe Y.T. a bisa cu e agentenan kier a haci un “deal” cun'e. Segun Y.T. e agentenan tabata kier pa e declara cu e ta entrega e placa y asina e por bay cu e joyas y pañanan. Y.T. a bisa Hues cu el a kere cu mescos cu na Merca, DEA (Drug Enforcement Agency) ta haci deal.

### MAS DI 14 MIL EURO Y MAS DI 2 MIL DOLLAR CONFISCA

Hues a bisa cu Y.T. tabatin placa cun'e cu e no a declara na Douane. Segun Y.T., e placanan tabata for di su cuenta personal di banco pasobra ainda e carchinan di cuenta di su compania no a keda cla. El a pidi Aruba Bank pa e por haya e placanan di pago riba su cuenta mientras cu CMB tabata prepara e carchinan di su compania. El a splica cu ademá di e compania di construccion, e tabata haci trabaonan chikito na casnan. El a bisa cu e tabatin placa warda y tabata saca for di cuenta 5 mil florin pa asina tin un suma grandi pa por haci viahe. E placanan tabata bin di trabaonan di construccion cu el a haci. Pa loke ta e holoshi Rolex, el a splica cu un amigo O. na Belgica cu ta di Turquía, a regal'e pasobra Y.T. a haci aña. Y.T. a splica cu e amigo O. tabata sera na Merca hunto cun'e y cu DEA a haci deal cu O. caminda el a haya propiedad grandi y cantidad di bac ana Colombia. El a splica cu e amigo tin hopi placa na Turquía. Hues a remarca cu ken por bisa cu e Rolex ta procedente di negoshi di baho mundo. Durante e interrogacion di Hues a sali na cla cu entre otro mas di 14 Mil Euro y mas di 2 Mil Dollar, Y.T. a keda sin declara na Douane. Segun Y.T. door di su ignorancia e no tabata sa cuanto ta e top cu por a declara. Hues a bisa cu e ta crea impresion cu Y.T. tin algo di sconde. Y.T. a bisa cu door di su pasado, e tabatin presion.

### FISCAL

Fiscal ta haya legalmente proba cu Y.T. a exporta cocaina. Fiscal a bisa cu Y.T. a sconde e droganan den e compresor di e airconan. E caso di labamento di placa, Fiscal a hala esaki aden. Fiscal a bisa cu Y.T. a bin for di Hulanda cu gran cantidad di placa. Door di esaki tabata sospecha cu ta labamento di placa. El a pidi Hues pa declara Y.T. liber di labamento di placa. Pa loke ta e cantidad di placa cu Y.T. a bin Aruba cun'e, Fiscal a bisa cu Y.T. tabatin entre otro 14.750 Euro, mas cu 2 mil dollar cu e no a declara na Douane. E punto mas

pisa ta e traficacion di 37 kilo di cocaina. Fiscal ta considera Y.T. como e organisador di e traficacion di droga.

Pa cu e castigo, Fiscal a bisa Hues cu e ta tene cuenta cu Y.T. a duna claridad den e caso. Fiscal a existi pa confisca tur e placa cu Y.T. a drenta Aruba sin declara. Fiscal a existi 60 luna di prison y confisca e placanan. E droga lo mester wordo destrui. Tur joyas, entre otro un holoshi Rolex mester debilbe.

### ABOGADO

Mr. Carlo a bisa cu Y.T. a conta su pasado na autoridad, cual no tin nada di haci cu e caso mes. Na opinion di e abogado, Y.T. a kere cu mescos cu Merca, lo haci un “deal” cun'e. E abogado a muestra cu e team di investigacion a ofrece un “deal” cu Y.T. Ta pesey Y.T. a papia tur cos. Mr. Carlo a splica cu Y.T. su plan tabata, bay Hulanda pa cumpra machinenan di construccion. Cu placa cash el a bay Hulanda. Na Hulanda Y.T. a hay'e confronta cu companianan no ta acepta placa cash. El a bin bek cu e placa Aruba y esaki a wordo confisca. E ora ey Y.T. a dicidi di transporta droga pa Hulanda, pa asina e por cumpra e machinenan. Hunto cu tres otro a cera 40 mil dollar pa e 37 kilo di cocaina. E holoshi Rolex el a haya for di un amigo. E abogado a bisa Hues cu no por bisa cu e holoshi ta procedente di baho mundo. E otro joyas ta imitacion. Pa loke ta e asunto di no declara cuanto placa e tabatin ora a yega Aruba, abogado a bisa cu no intencional Y.T. a haci'e. E abogado ta haya cu no mester confisca e placa sino duna un boet. Pa loke ta e castigo, mr. Carlo ta haya e castigo existi pa Fiscal mucho halto. E abogado a bisa Hues cu e ta haya cu 42 luna di prison ta na su lugar. E abogado tambe a muestra riba e “deal” falso cu e miembronan di e team di investigacion a haci cu Y.T.


### SENTENCIA

Hues a sera tratamiento di e caso y a dicta sentencia di biaha. Hues a bisa cu e ta haya legalmente proba cu Y.T. a exporta cocaina. Hues a declara Y.T. liber di labamento di placa. Hues ta haya Y.T. culpabel di no a declara suma grandi cu el a bin cun'e Aruba. Hues a rechaza e ponencia di abogado cu miembronan di Recherche a ofrece un deal. Na opinion di Hues, no tin suficiente base pa esaki. Pa cu e castigo, Hues a bisa cu e no ta sigui Fiscal su exigencia.

Hues a condena Y.T. na 48 luna (4 aña) di prison y cu e placanan lo keda confisca. E 37 kilo di cocaina lo wordo destrui. E holoshi Rolex, joyas y pañanan lo mester debilbe.



# ACCIDENTE CRUEL CU AUTO “RIGHT HAND” A COSTA BIDA DI HOBEN RIBA BROMMER NA SAVANETA



Savaneta – Dialuna marduga, un tragedia a sosode na caminda di Savaneta dilanti ex Domino's Pizza, unda Maximillian P, cu lo cumpli 21 aña riba April 4, a perde su bida.

Un Nissan March right hand drive a bay pasa un truck di Ecotech, sin tin un bon bista riba trafico contrario, cual a resulta den un impacto frontal, garnando e brommer di e victima cu consecuencia fatal pa un hoben di 20 aña cu tabata maneha e brommer.

Testigonan a splica cu e impacto tabata fuerte unda pida di e brommer a los y spart, manera e tanki di gasolin cu a pega na candela y bay dal riba



tuberia di WEB.

E famia a yega na sitio y tabata un dolor inmenso. Esaki ta e di dos morto den trafico pa e aña aki. Autoridadnan a haci nan investigacion pa documenta e accidente.


E chofer di e Nissan March a keda deteni, pa motibo di no kier a coopera cu polis.

Solo di Pueblo ta extende nos condolencia na famianan.

# AMBULANS A BAY WAF PA UN TURISTA CU A BIRA MALO RIBA CRUCERO MARA NA WAF DI ORANJESTAD

Diahuebs madruga a drenta informe di cu un turista a bira malo riba e crucero mara na waf di Oranjestad, mesora a dirigi un ambulans na e sitio.

Na yegada di e ambulans nan a atende e turista cu a bira malo y a nota cu mester hib'e hospital pa un control mas avansa.





# POLIS: DI DOS MORTO DEN TRAFICO



Dialuna pa 4:40 mainta central di polis ta wordo notifica di un accidente pisa na altura di Nagico na Savaneta entre un auto y brommer.

Patruya ta yega na e sitio di sucedido y ta topa cu un situacion basta grave.

E prome patruya cu a yega na e sitio a pidi ambulance cu maximo urgencia mirando e situacion di e chauffeur di brommer

pero lamentablemente no por a haci nada mas pa e victima.

Pa 5:30am dr.Texier ta constata morto di e hoben Maximilian Thomas A. Hernandez Pinedo naci na Aruba 4 april 2003 ( 20 aña).

Prome informe cu a logra compila ta cu probablemente e Nissan March color blauw numera A-50141 tabata bayendo



direccion pariba y tabata pasando un truck di Eco-Tech. E brommer Susuki numera MFA-2664 tabata biniendo direccion pabao lo a dal frontal den e Nissan March.

Den e Nissan March tabata tin 4 persona. Tur a haya asistencia medico na e sitio mes.

E chauffeur di e Nissan March a wordo deteni pa maneha auto bao

influencia di alcohol y no tin rijbewijs tampoco.

Specialista di Trafico a presenta na e sitio como tambe polis tecnico pa asina haci nan investigacion.

Na e sitio tambe tabata tey presente Fiscal di Ministerio Publico, Departamento di Slachtofferhulp a presenta pa brinda sosten y ayudo na e famia di e victima den e momento dificil aki.

Tambe altocomisario di polis drs. Ramon Arnhem tambe a bin na e sitio pa e tuma nota di e accidente tragico aki. Cuerpo Policial ta manda palabra di condolencia y forsa na famia di e fayecido.

Un apelacion di parti Cuerpo Policial Aruba pa ban baha velocidad, no bebe y stuur y sigi reglanan den trafico.

## CAMARA DI SEGURIDAD A CAPTA CHAUFFEUR CU A HIT & RUN BANDA DI LUCKY STORE NA J.G. EMANSTRAAT



Diaranson atardi a drenta informe di un accidente na J.G. Emanstraat banda di Lucky Store, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda un Honda Fit biniendo na e banda drechi di e caminda di un solo direccion y a bay bira na man robes sin a duna e auto na su man robes preferencia y a dal riba e auto. Despues di esaki ela bandona e sitio di accidente lagando e otro auto atras. Afortunadamente ningun hende a resulta herida.

## UN OTRO NISSAN MARCH COLOR BERDE POSIBLEMENTE ENVOLVI

(Foto ta referencial). Un hoben a perde su bida den un accidente tragico na Savaneta dialuna marduga, debi na mal conducta den trafico di otronan. Testigonan a raporta cu un di e autonan envolvi, cu tabata pusta, ta un Nissan March di color berde.

Despues di accidente el'a bira y a bolbe na e sitio di accidente. Sinembargo, aun no sa si e chofer a entrega su mes, of a admiti su partisipacion dilanti di autoridadnan.

E otro auto den e



accidenta tambe tabata un Nissan March, pero di un color diferente. E informacionnan ta indica cu e promer Nissan March,

di color berde, a pasa bay, mientras cu e di dos su tras tabata esun cu a impacta cu consecuencia fatal.



# VIDEO TA MUSTRA CU PUSTAMENTO DI AUTO TA CAUSA DI ACCIDENTE; TIN UN AUTO MAS ENVOLVI


E accidente cu a sosode den marduga di awe na Savaneta ta dal un buelta nobo mientras a sali versionnan nobo y grabacionnan di video di habitantenan di barío na caminda di Sabaneta.

Esakinan muestra hopi cla cu dos auto tabata pustando den loke ta un careda ilegal, surpassando e limitr di velocidad y poniendo otronan riba caminda na peliger.

E imagen ta muestra con un truck ta pasa

tranquilamente riba caminda, sigui pa dos auto cu velocidad halto pasando un auto cu tabata coriendo tras di e truck.

E revelacionnan nobo aki ta muestra cu e accidente a wordo causa directamente pa e chofernan envolvi den careda ilegal. Loke por asumi ta cu e promer auto a logra pasa bay, pero e auto su tras a haya e impacto frontal. No ta conoci si e promer auto a para of a huy.



## 2 HINCAMENTO Y 2 HERIDO CU MACHETE NA DAKOTA



Cuerpo Policial Ta Informa

Diabierna atardi pasa di 5:30 central di polis ta wordo notifica di un problema adando na un cas na Mandolinstraat den Dakota.

Patruxa ser manda na e sitio di incidente. Un rato despues ta drenta un melding cu lo tin homber hinca na Olijfstraat. Central di polis ta despacha mas unidad di polis enconexion cu situacion a bira tenso y ta drenta melding di otro persona hinca den Pindastraat. Un di e personanan herida su situacion a cuminsa empeora na unda cu a dicidi di transporte e

victima cu patruxa di polis y conhuntamente cu mas unidad a habri caminda pa asina por yega mas pronto posibel hospital.

Departamento di recherche a presenta como tambe polis tecnico pa asina hancan investigacion.


Polis ta informa cu tin te cu awo 1 persona deteni, un cuchiu como tambe 2 auto confisca pa cu e caso encuestion na Cashewstraat y Mandolinstraat.

Den oranan tempran caba tabata tin problema andando na unda cu 2 hoben mester a wordo herida cu machete.

Cuerpo Policial ta haci un apelacion na personanan cu sa algo of a mira algo pa

yama e tiplijn di polis cu ta 11141. Update : un di e victimanan

ta den ICU.3 otro victimanan ta stabil.







# Noticia di Corte

## HUES TA HAYA CU ACUSADO A CAUSA CU SU AMIGO A TIRA SU MES MATA

ORANJESTAD – Corte di Husticia a trata e caso penal cu Ministerio Publico a cuminsa contra e homber S.V.(20). Fiscal a acusa S.V. di posecion di un arma di candela riba 23 Augustus 2023 te 2 September 2023. Tambe Fiscal a acusa S.V. cu riba 27 Mei 2023 a comete violencia contra e homber E. door di tir'e cu un sotel y lag'e herida na su cara. Esaki a sosode den China Town Bar na San Nicolas.

SOLO DI PUEBLO por a compronde cu aunke cu S.V. ta desmenti, Hues ta haya S.V. culpabel di a causa cu Ivanan Phelipa (23) a tira su mes mata.

### AMIGO A TIRA SU MES MATA

Hues a bisa cu S.V. tabatin un revolver cu bala. S.V. a admiti esey. Hues a bisa cu e caso aki a bin dilanti ora cu un amigo di S.V., difunto Ivanon Phelipa (23) a tira su mes mata riba 23 Augustus 2023. Phelipa a tira su mes den cabez. Hues a bisa cu segun e amiga di Phelipa, ta S.V. a bin cu e revolver na e cas.

S.V. a bisa Hues cu e tabata na e cas y nan a bis'e pa baña pa despues nan bay casino. Segun S.V., ora el a yega na e cas, e no a mira ningun arma. El a nenga di tabatin un arma cun'e. El a bisa Hues cu ora e tabata den baño, el a tende tiro. E amiga tabata bati na e porta. El a habri porta y mira Pehlipa benta abao. E amiga a bisa cu e no kier tin arma den cas. Segun S.V., el a bira panico y a coy e arma y un bala cu tabatin na banda di e arma y bay cu nan for di e cas. El a yama un amigo pa e papia cun'e. Na caminda pa e amigo, na altura di un dam, el a tira e revolver den dam. El a bay serca e amigo y cont'e kico a pasa. E amigo a bis'e cu e no por keda eyan sino e ta hay'e cu problema cu husticia. Hues a puntra pakico S.V. a coy e arma y bay cun'e. S.V. a bisa cu e dama a bira historico y S.V. den panico a coy e arma. Hues a bisa cu segun e amiga, e arma ta di S.V. E acusado S.V. a desmenti categoricamente. El a bisa Hues cu e no a hiba arma na e cas. Ta ora el a tende tiro y habri porta di baño el a mira e arma benta abao.

### WEGA DI ROULETTE RUSO A CAUSA MORTO

Hues a lesa declaracion di e dama, kende a bisa cu S.V. a yega cas y pone e arma riba mesa y el a bisa S.V., pakico e ta trece e arma. E dama a bisa cu ora S.V. a bay baña, Phelipa a coy e

arma y a haci roulette ruso. Tres biaha Phelipa a primi e gay na su cabez. Despues el a dirigi e arma riba e dama y primi gay. E dama a bisa cu despues Phelipa a coy un bala di e tres cu tabata riba e mesa y cuminsa hunga roulette ruso. Na dado momento un tiro a los na banda di cabez y Phelipa a cay abao y cuminsa bati. Segun S.V. el a haya e revolver cu un bala riba mesa y a bay cu nan. Hues a puntra S.V. pakico e no a duna e arma na Polis. Segun S.V. el a drenta panico. El a keda bisa Hues cu ora el a yega na e cas, e no a mira e revolver riba mesa. Hues a puntra S.V. kico e ta pensa di arma. El a bisa cu arma ta peligroso. El a perde un amigo.

### PELEA DEN BAR

Pa loke ta e caso di bringa den bar na San Nicolas, S.V. a splica cu un amigo a bin serca nan bisa cu un homber kier bringa cun'e. S.V. a bay den bar y a bay papia cu e homber E. kende e conoce. Segun S.V., E. a cuminsa dal hende cu stoel. S.V. a pasa man pa un stoel y tira den direccion di E. pa e bay for di e lugar. Segun S.V. e no a haci'e cu intension pa dal E. Hues a mostra cu ora tira un stoel e por dal e homber E.

### FISCAL

Fiscal a bisa Hues 23 Augustus 2023, un lamentable incidente a sosode. Phelipa a tira su mes mata cu e arma cu S.V. lo a hiba na e cas. E dama amiga di Phelipa a bisa cu ta S.V. a hiba e arma na e cas. Fiscal a bisa Hues cu e no ta kere e storia cu S.V. a coy e arma y deshaci di dje door di tire den dam. E pregunta ta, kende a trece e arma na e cas. Tin e declaracion di e dama y declaracion di S.V. Fiscal ta haya cu S.V. ta culpable di posecion di e arma y un bala. Tambe Fiscal ta haya S.V. culpable di a tira un stoel riba E. cu a dal'e den cara y E. a sufri kap na cara.

El a existi pa S.V. 12 luna di prison di cual 3 luna ta condicional cu 3 aña di prueba. Fiscal a bisa cu durante e tempo di prueba, S.V. lo mester cay bou guia di Reclasering.

### ABOGADO

Mr. Thielman a bisa Hues cu 23 Augustus 2023 a sosode un caso tristo. S.V. tabata den baño y ora el a tende tiro el a habri porta y mira su amigo morto benta abao y e arma benta abao. S.V. a bay den panico door di cu e amiga no kier

mira e arma. S.V. a coy e arma y bay cun'e. E tabata kier bay serca un bon amigo pa haya conseho pero na caminda a tira e arma den dam. El a bay serca e homber M. cu ta doño di e auto cu S.V. tabata core. E homber M. a bisa cu S.V. tabata den un shock y tabata tril. Despues S.V. a keda depresivo. E abogado a bisa cu S.V. a wordo deteni na momento di entierro di su amigo Phelipa y no por a despedi di dje. Pa colmo e abuela di S.V. tambe a fayece y tampoco por a tuma despedi di dje. El a keda depresivo. E abogado a mostra riba e raport di Reclasering cu ta muestra e situacion na cas caminda ta S.V. ta yuda financieramente. E abogado, e amiga a bisa cu e arma tabata riba e mesa y S.V. tabata den baño. Na opinion di mr. Thielman, e arma no ta di S.V. y no por bisa cu e tabatin e arma henter e periodo cu ta acus'e.

Pa cu e pelea na China Town, e abogado a remarca cu e grupo tabata bringa y ta solamente ta persigui S.V. y no e grupo cu tabata bringando. E abogado ta haya cu por a haci un Tomzitting pa e caso aki. El a pidi Hues pa castiga S.V. igual na loke e ta sera y un parti condicional, bou guia di Reclasering.

### SENTENCIA

Hues a sera tratamiento di e caso y a dicta sentencia di biaha. Hues ta haya legalmente proba cu S.V. tabatin un arma y bala. Hues a bisa cu no tin motibo pa duda den declaracion di e amiga di e difunto cu ta bisa cu S.V. tabatin e arma. E pelea den China Town Bar, tambe por mira cu S.V. a tira un stoel den direccion di e homber E. Na opinion di Hues, no por conclui cu door di tira e stoel, E. a resulta herida. Pesey Hues a declara S.V. liber. Pero si Hues ta haya S.V. culpabel di violencia publico.

Hues a bisa cu e no ta comparti Fiscal su punto di bista pa cu e caso di Phelipa a tira su mes mata. Hues ta haya cu ta S.V. a hiba e arma na e cas. Hues a bisa S.V., si e no a bay cu e arma, e amigo lo ta na bida ainda. Hues ta haya e castigo existi pa Fiscal abao. Pa cu e castigo, Hues a bisa cu e ta tene cuenta cu S.V. a perde un bon amigo y a keda afecta. Hues a condena S.V. na 15 luna di prison, di cual 6 luna ta condicional y 3 aña di prueba. Hues a bisa cu durante e tempo di prueba, S.V. mester cay bou guia di Reclasering.



# Minister Endy Croes: WEGANAN ESCOLAR 2024 TA TUMA LUGA DI 1 PA 15 DI JUNI PROXIMO

Siman pasa, Minister Endy Croes a reuni cu e comision organizado di Weganan Escolar (WE). E comision ta consisti di representante di Ministerio di Enseñansa y Deporte y IBiSA. Manera ta conoci, na aña 2022 a reintroduci Weganan Escolar den un bachi nobo, cual a haya un acogida hopi grandi. Na aña 2023 e campeonato a crece mas ainda, alrededor di 1000 estudiante y 43 scol a participa.

Pa 2024 lo sigui etala e competencia aki. E meta di Weganan Escolar ta pa promove deporte bou di e alumnonan di scol preparatorio, basico y secundario. Deporte ta crea lider, fomenta union, alegria y crea amistad. Tambe deporte ta trece positivismo y ta bon pa nos salud. “Deporte ta e vehiculo cu ta preveni pa e muchanan bay riba caya”, Minister Endy Croes a enfatisa. Hunto nos por logra un comunidad

mas saludabel y activo. E weganan di clasificacion entre e scolnan ta tumando lugay IBiSA ta encarga cu esaki.

Durante e reunion a trata e vision, a scoge e fechanan y a prepara e draaiboek. E gran apertura ta tuma lugay dia 1 di juni y ta clausura dia 15 di juni proximo. Dos siman deportivo unda e scolnan lo bataya contra otro pa conquista e titulo maximo. E reunionnan lo continua e simannan nos



dilanti. E prome siman di april lo reuni cu e scolnan pa asina nan ricibi mas detaye y informacion actualisa di e competencia escolar. “Pueblo di Aruba ta keda cordialmente

invita pa e gran clausura di Weganan Escolar dia 1 di juni proximo”, Minister Endy Croes a conclui. Ban duna apoyo y sosten na nos hobennan!

## POLIS MESTER A ACTUA RAPIDAMENTE NA EERSTE HULP, EVITANDO OTRO BRINGAMENTO



Dr. Horacio Oduber Hospitaal - Diabierna atardi, algun rato despues cu a yega Eerste Hulp cu un di e personanan hinca, problema a start eynan tambe entre un grupo.

Aki, ta unda cu polisnan cu tawata disponibel mester a core bay Hospitaal pa intermedia y evita un drama eynan tambe.

E problema aki a cuminsa dos dia pasa, cu un of mas persona a dal un homber den Tarabana y posiblemente fractura su craneo. E persona ey ta den I.C.U segun informacion.

Posiblemente e homber por a logra bisa su famia kiko lo a sosode y esaki a conduci na e racha di violencia diabierna merdia. Unda cu dos hoben y dos adulto a resulta herida.

## POLIS Y BOMBERO A BAY SERO PATRISHI PA UN CANDELA DI MONDI PEGA CU UN SUPERMERCADO



Diahuebs madruga a drenta informe di un candela pega cu un supermercado na Sero Patrishi, mesora a dirigi tanto polis como bombero na e sitio. Na yegada di e patruya a bin encontra cu e candela di mondi cual lo por expande y bira peliger pa otro propiedadnan. Na yegada di bombero mesora a basha awa riba e candela y a logra paga esaki pa e no forma mas peliger pa nada rond eybanda.



# LA CABANA A ORGANISA SU CELEBRACION DI TRES DIA DI HIMNO & BANDERA



Celebracion di nos Himno & Bandera riba 18 di maart ta un dia nacional hopi stima cual ta conmemora e prome propuesta pa Aruba su separacion for di Antiya Hulandes na 1948.

Binti ocho aña a pasa despues di e propuesta inicial ey unda cu na 1976 lider politico Betico Croes a declara e prome bandera y dia nacional, un celebracion patriotico, diseña pa celebra cu cuminda local, cultura, presentacionnan folklorico, parada di scout, parada clasico di auto, eventonan deportivo, y tanto otro actividadnan special na museonan y rond di diferente bario.

Aruba su Status Aparte a yega na 1986 declarando e isla un entidad independiente di Reino Hulandes.

Na La Cabana Beach Resort & Casino, tin un celebracion cu ta dura tres dia largo cual a tuma luga e siman prome cu nos dia nacional. Cumisando cu un presentacion pa Royal Aruba Aloe na unda cu empleadonan ta siña tocante e historia di Aruba su cultivacion di Aloe pa uzo medicinal y beneficianan cu e mata aki tin. Empleadonan ta experiencia un cantidad di catividad manera corta aloe y saca su gel, un presentacion bastante interactivo. Un danki grandi ta bay na Royal

Aruba Aloe pa e comienso educacional aki pa loke ta e celebracion nacional.

Riba e di dos dia di celebracion, Santa Rosa pa medio di Randy Maduro y Ludwig Rasmijn ta bini pa duna un presentacion enfoka riba e isla su plantanan medicinal. Dos lectura ta captiva e audiencia cu topiconan informativo cu ta ofrece mas conocimiento den loke ta practicanan curandero y poder natural di nos isla su flora. Empleadonan ta keda inspira pa loke ta e herencia botanico di Aruba. Un danki grandi ta bay na Santa Rosa, pa e informacion cu nan ta brinda cual tin asina hopi

balor.

Riba e di tres dia, na honor di Aruba su Himno & Bandera, e resort ta ripiti e tradicion anual di bandera, un ceremonia ameno, na comienso di e dia di trabao. La Cabana Beach Resort & Casino su empleadonan ta bini hunto den union y orguyo, den combersacion y bon ambiente, conhuntamente cu bishitantenan cu tambe ta comparti e orguyo. Mientras ta hisa e bandera na haltu, Maruschka Violenus ta canta e himno, Aruba Dushi Tera, cu hopi calor y intencion.

E celebracion ta continua durante e dia cu Chit

Chat Cafe, na unda cu empleadonan ta keda entreteni pa bailenan cultural pa medio di Gucci Dancers. Cushina autentico Rubiano, y musica di nos musico local Robert Thiel, un combinacion perfecto pa tin un dia yena cu alegria, un dushi celebracion y aprecio enorme pa loke ta Aruba su cultura unico.

Un gradicimento di curason ta bay na e comision social pa organisa e evento di tres dia aki. Como tambe un gradicimento special n'e team culinario pa prepara specialidadnan tremendo, agregando hopi sabor na e festividadnan.



# Prome Minister Evelyn Wever-Croes: CU UN MARCHA CULTURAL YENA CU CREATIVIDAD ST. PAULUS SCHOOL A INICIA E CELEBRACION DI DIA DI HIMNO Y BANDERA

## Un marcha bunita y cu hopi ambiente



Wever-Croes y colega minister Xiomara Maduro tawata presente y a keda hopi contento y inspira cu locual e muchanan a trece dilanti durante a marcha aki.

Prome Minister expresa cu el a keda impresionado cu e beyesa di e marcha pero principalmente cu e creatividad y e temanan cu a scoge pa e marcha aki. A trata di nos turismo, di e desaroyo economico di San Nicolas y di henter Aruba. Muchanan hopi contento y anima a representa e cultura di nos dushi isla bailando y gozando durante e marcha aki.

Prome Minister ta felicita Meneer Randy y henter su ekipo di docente, tur mayor y voluntario y specialmente e muchanan, cu a haci nan maximo esfuerzo pa e marcha aki tawata un exito total.

“Esaki tawata un manera bunita pa cuminsa cu e celebracion di e fin di siman di Dia di Himno y Bandera. Pabien y danki pa sigui inculca den nos muchanan e amor pa nos pais, nos cultura, nos bandera y nos himno, pasobra ora muchanan ta lanta cu e amor aki den nan curason, mayan nos sa cu nan lo sigui cuida y stima Aruba. Danki y pabien!”, Prome Minister a expresa.



- Diabierna atardi dia 15 di maart, e pueblo di San Nicolas y Aruba en general a disfruta di un bunita marcha cultural presenta pa St. Paulus School. Durante e atardi aki Prome Minister Evelyn





Prome Minister Evelyn Wever-Croes:

# Di tur skina di Aruba a bin celebra **E FERIA CULTURAL DI COLEGIO NIGEL MATTHEW CELEBRANDO NOS DIA NACIONAL**



ORANJESTAD -- Diabierna anochi 15 di maart, Colegio Nigel Matthew na San Nicolas un biaha mas tawatin un celebracion enormemente bunita den cuadro di Dia di Himno y Bandera cu nan feria cultural.

Prome Minister Evelyn Wever-Croes presente pa e ocasion aki y acompaña pa Minister di Cultura Xiomara Maduro y Minister di Enseñansa y Deporte

Endy Croes, por a experiencia e gran interes cu tawatin pa e feria aki.

Ya di trempan e luga a cuminsa yena y e publico tawata bishita tentan bendiendo entre otro cuminda tipico, cos dushi y artesanía local. Durante un ambiente masha ameno por a wak varios interpretacion cultural y musical masha bunita di alumnonan. Tambe tawata un mo-

mento cu hopi emocion pa Prome Minister ora e por a topa atrobe cu señor Nigel Matthew ken den pasado tawata un profesor di djé na scol.

Prome Minister a felicita Colegio Nigel Matthew cu e bunita celebracion y a gradici nan pa sigui inculca den nos alumnonan e amor pa nos cultura. “Den cuadro di e celebracion di Dia di Himno y Bandera

nos ta para keto naturalmente na nos simbolonan patriótico, pero tambe na e amor pa Aruba, e amor pa cultura, y e forma cu Colegio Nigel Matthew ta celebra esaki y e forma cu hendenan di tur skina di

Aruba ta bin pa celebra hunto cu nan, ta muestra cu e trabou cu nan ta haciendo ta uno sumamente valioso. Pabien Colegio Nigel Matthew cu e celebracion aki”, Prome Minister a termina bisando.



# Chris James di AVP

# San Nicolaas ban uni pa trece cambio den maneho di gobierno

Ora cu nos mira e brug grandi y bunita cu tin esey ta nifica cu tanto e parti pabou como e parti pariba di brug, ta mesun importante pa un bon desaroyo di henter Aruba, ta loke Chris James di AVP a mustra diadomingo ultimo.

“Mi ta kere cu e momento a yega cu nos como pueblo, tin cu uni nos mes y existi mas di gobierno y no acepta loke ta pasando na e park aki cu ta Lago Heights Hill Park.

Unda cu nos bira mira  
rond di e parke aki, tin su-  
shedad y aki nos ta papia  
di un luga crea y construi  
pa bienestar di nos mucha  
y hendenan grandi ya cu  
nan tin derecho di tin un  
luga limpi, bon manteni  
caminda no tin peliger pa  
nan hunga y pasa algo ora  
di diberticion y e mayor-  
nan por cana y tambe dis-  
trae nan mes.

Mi ta kere cu nos tin cu



exigi mehoracion di gobi-  
erno, no riba on-line pero  
tambe nos tin cu ‘walk and  
do the talk” pa nos mes, ya  
cu nos tin cu sali hunto y  
exigi loke nos tin derecho  
ariba y no sigui acepta un  
situacion cu no ta adecua-  
do y no ta bon pa nos.

Nos tin mester di algun  
luga sigur caminda tur  
hende ta sinti nan mes  
trankil, sin problema al-  
gun pa nan salud, camin-  
da muchanan por hunga  
y gosa di momentonan  
agradabel, caminda union

ta prevalece pero den un ambiente manera e parke aki ta na e momentonan aki, nada di esaki ta posibel y gobierno tin cu para responsabel pa esaki.

Mester tin union pa nos  
por para pa derecho di nos  
hendenan y esaki ta loke  
nos partido AVP ta para  
p'e y percura pa e nivel  
di bida di nos pueblo, ta  
e miho cu por tin pero pa  
nos logra esaki, nos mes-  
ter sosten di boso pa nos  
drenta ey drecha cosnan  
cu ta malo pa pueblo,"

LEY CU TA LIMITA UZO  
DI PRODUCTONAN DI

# TABACO

PROTEHANDO  
**SALUD**  
PUBLICO

**6** Ta prohibi pa bende of duna  
productionan di tabaco na  
personanan bou di 21 aña

**DVG** ARUBA LIBRE DI TABACO

**HALA  
ROSEA  
LIBREMENTE**

Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado : Sorteo 16 Maart 2024 Merdia

Sorteo # 4212

4683

0579

1430

X2

Sorteo # 4212

0260

FP

Sorteo # 2268

5397

Sorteo # 4212

9978

Geminis

Sorteo # 1086

670

X2

Sorteo #

0 x Jackpot

0 x Match 4+

0 x Match 4

0 x Afl 12.00

Joker

Letter

Proximo Jackpot

120.000,-

Sorteo #

0 x Jackpot

0 x Match 4

0 x Afl 8.00

Proximo Jackpot

52.000,-

Sorteo #

0 x Jackpot

0 x match 4

0 x Afl 500.00

0 x Afl 50.00

0 x Afl 15.00

Mega Ball

Proximo Jackpot

280.000,-

MEGA PLUS

Afl. 380.000,-

Sorteo #

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 17 Maart 2024 Merdia	
 Sorteo # 4213 2210 2461 2527  X2  Sorteo # 4213 4955  X2  Sorteo # 2269 3440  Sorteo # 4213 3879 Sagittario  Sorteo # 1087 926  X2		 Sorteo # 0 x Jackpot 0 x Match 4+ 0 x Match 4 0 x Afl. 12.00	Joker Letter Proximo Jackpot 130.000,-
		 Sorteo # 5419 0 x Jackpot 1 x Match 4 84 x Afl 8.00	01-10-12-23-25 Proximo Jackpot 51.000,-
		 Sorteo # 0 x Jackpot 0 x match 4 0 x Afl. 500.00 0 x Afl 50.00 0 x Afl 15.00	Mega Ball Proximo Jackpot 280.000,-
		 MEGA 495	Afl. 380.000,-
		 Sorteo #	



## Chauffeur no a regula su velocidad ni mantene distancia a bay dal tras di auto su dilanti



Diahuebs atardi a drenta informe di un accidente na Hooiberg, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un



Toyota Yaris no a regula su velocidad ni a mantene distancia a bay dal tras di

un Mazda s.u.v. Afortunadamente ningun hende a resulta herida.

## Diabierna merdia pa atardi racha di violencia registra; 4 persona herida, tin a wordo hinca y otro ta wordo corta den Dakota/Tarabana



Patruya ser manda na e sitio di incidente. Un rato despues ta drenta un melding cu lo tin homber cu a wordo hinca na Olijfstraat.

Central di polis ta despacha mas unidad di polis debi cu e situacion a bira tenso y ta drenta melding di otro persona hinca den Pindastraat.

E persona herida na Mandolinstraat su situacion a cuminsa empeora na unda cu a dicidi di transporta e victima cu patruya di polis y conhuntamente cu mas unidad a habri caminda pa asina por yega mas pronto posibel hospital.

Departamento di recherche a presenta eynan como tambe polis tecnico pa asina haci nan investigacion.

Polis ta informa cu tin te cu awo 1 persona deteni, un cuchiu como tambe 2 auto confisca pa cu e caso encuestion na Cashews-



traat y Mandolinstraat.

Den oranan tempran caba tabata tin problema andando na unda cu 2 hoben mester a wordo herida cu machete.

Cuerpo Policial ta haci un

apelacion na personanan cu sa algo of a mira algo pa yama e tiplijn di polis cu ta 11141.

Update : un di e victimanan ta den ICU. 3 otro victimanan ta stabil.



Diabierna atardi pasa di 5:30 central di polis ta wordo notifica di un prob-

lema adando na un cas na Mandolinstraat den Tarabana.



Poema Competencia Poeta Patria 7  
Maart 2024  
Autor Poeta Ruthy C. Vrieswijk-Bergen

## NOS CULTURA CU SU DOLOR

Ach, ach, ach, mi no kier ta den un beis negativo  
Pero ya mi a expresa tur cos bunita, dushi y positivo  
Den mi poemanan anterior den e competencianan aki  
E otro participantenan ya no tin nada nobo di bisami

Cu mi no sa caba di mi dushi y bunita isla bendiciona :  
Aruba !

Pesey, awe, Lady Ruth, ta focus riba "sentimento"  
No riba show di bistimento of fingi cu tur famia tin  
alimento  
Pero kiko ta come, bebe y biba den nos humilde comu-  
nidad

Oh, ki tristo cu tin falta di mas union, respet y hones-  
tidad

Tin cu ta ignora e ganjamento, hortamento , violacion  
of un atraco

Y nos autoridadnan ya no tin bista pa por controla tur  
cos mas

Demasiado hotel, demasiado auto, e situacion di Bubali  
Plas

Pero, aparentemente, tin esnan na top, cu kier sigui  
den nan fantasia

Tur cos ta drai rond di e asina yama super economia  
Prijsnan aumentando, causando pobreza den un of  
mas famia

Ku ki curason, ku ki sentimento nos por sigui celebra  
cu alegria

Nos dia Nacional, si pa tur den pueblo no ta tur cos ta  
igual ?

Ya Lady Ruth a yega di expresa su preocupacion encu-  
anto digitalisacion

Tur cos via computer, tur cos on line, pago cu e  
carchi di swipe

Ay, ta cuanto mas nos pueblo tin cu soporta na nan  
mente y curason

Mi por sigui papia di cosnan mahos, doloroso, tristo y  
negativo

Pero, te aki, mi poema di sentimento den algun situa-  
cion explosivo

Hopi ta soporta y tolera mientras hopi no kier mira ni  
tende

Nos ta keda ta e Poeta Local cu sentimento y na  
prome lugar hende

Ruthy "Lady Ruth" Vrieswijk-Bergen



## TOYOTA YARIS A BOLTER SACANDO UN DI E TRES OCUPANTENAN DI E AUTO, DEN SITUACION CRITICO E LA WORDO HIBA HOSPITAAL

Green Corridor - Diado-  
mingo merdia rond di 1'or  
informacion a drenta cu un  
auto a bolter a poco pabou  
di rotonde di Balashi(ex  
Drive In).

Mesora polis a dirigi nan  
mes pa e sitio, y ta constata  
cu berdad un auto a bolter  
y tin un persona grave.

Den e auto tawata 3 perso-  
na, un dama y dos cabaye-  
ro.

### Version di testigo

Na e sitio esnan cu a mira  
e accidente sosode a conta  
cu nan tawata bayendo di-  
reccion rotonde Balashi, y  
dado momento a mira un  
Toyota Yaris color blanco  
cu tawata bayendo direc-  
cion pabou bula over di e  
berm.

Pa despues bay bolter y  
bay termina den e mondi  
pazuid. Tambe nan a con-  
ta cu nan a mira un perso-  
na a wordo saca di e auto  
durante cu esaki tawata  
bolter.

Ambulnace cu a yega hopi  
lihe, a transporta e vic-  
tima ey cu maximo urgen-  
cia pa Hospitaal. Segun a  
wordo bisa na e sitio lo ta  
trata di un dama.

Departamento nan con-  
cerni tur a yega e sitio,  
y tambe Fiscal Van Der  
Biezen cu ta wordo notifi-  
ca ora cu tin accidente nan  
grave manera esaki.

Tres ambulance en total a  
presenta na e sitio y tur e  
ocupantenan a wordo hiba  
Hospitaal.

Locual nos por a mira ta  
cu e Yaris pa un of otro  
motibo y tambe velocidad  
halto a sera un brake y  
hala bay links, cu e resul-



tado cu e no por a controla  
e vehiculo mas y bula bay  
otro banda.

Caminda di Green Cor-  
ridor a wordo cera ambos  
banda, tanto pa bay San  
Nicolas y pa bay Playa.



# Homber a bay bestel auto baasta dia caba pero ainda e no a haya su auto tan anhela



Diahuebs mainta a drenta informe pa un intermedia- cion na Ponton, mesora a dirigi un patruya na e si- tio. Na yegada di e patruya a bin compronde cu aki ta trata di un auto cu un ci- ente a bestel pero e auto no tin fin di yega. Polis a intermedia den e asunto y e cliente a keda di warda algun dia mas.

## MOTOCICLISTA DETENI DESPUES DI A CORE PA POLIS


Avenida Nelson O.Oduber - Diadomingo den oranan di marduga polis motorisa a start un persecusion tras di dirt bike den boca di pueblo un Scrambler.

Esaki a start di area di Ea- gle, y mester bisa a logra burla algun patruya cu a trata di intercepte.

Pabou di rotonde di Bowl- ing polisnan a logra stop e. E brommer no tawata tin plachi number y e mo- tociclista a wordo deteni e momento ey.



Nan ta bisa ora bo por core pa polis, posiblemente e lo tawata tin algo di sconde kiko? No ta conoci.



	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

3			4			1		
						7		
	8		6					4
2			3	9		6		
4			5					
1		7				9		
						8		
	4						6	
		6	8	1			5	7



# Motociclista di Boneiro seriamente herida den accidente di trafico na Meiveld



Meiveld - Diabierna rond di 7'or di anochi polis y ambulance a wordo manda direccion Meiveld, un poco mas pabou di unda ex Kong Fui Supermarket tawata pa un accidente serio di brommer cu auto.

Polis a yega y a topa cu un Nissan Kicks color shinishi y un brommer Suzuki cu bandera di Boneiro pega na dje.

Ariba caminda, e motociclista benta dibando cu su helm bisti, pero cu multi-

ple golpi na su curpa.

Algun persona cerca, cu sa di prome auxilio a acerke y tawata trata cu ne, sin move wardando ambulance.

Locual a sosode y tawata mas cu duidelijk, e Nissan a subi caminda for di e supermarketa yama Wan Jia Le Supermarket pa bay links, pero lo no a mira e brommer biniendo cu velocidad halto.

E motociclista a trata na

hala mas na su man robes, pero envano y ta dal duro contra e banda di chauffeur.

Den e auto tawata tin un dama 7 luna na estado y mesora a cuminsa haya hopi dolor.

Paramediconan cu a yega, cu a ayudo di esnan rond a yuda pone e motociclista ariba e brancard y hib'e na e ambulance unda cu a sali cu ne despues pa Hospitaal.

E dama tambe a ricibi




atencio medico.


Polis di trafico tawata presente y tambe alto comisa-

rio por a wordo mira ta pone su mes na altura di e susedido lamentabel aki.

## NA DAKOTA POLIS A EVITA DAMA BAO INFLUENCIA STUUR AUTO Y BIRA UN PELIGER PA TRAFICO



Diahuebs atardi a drenta informe di cu tin un dama bao influencia cu ta cla pa bay core auto den Avenida Milio Croes, mesora a dirigi e patruya mas cercano. Polis a logra yega y haya e dama chauffeur na wiel cla pa sali. Polis a acerka e dama y a papia cun'e y a pidi'e yama un hende pa bin busk'e ya cu e no ta den condicion pa core auto. E dama a logra haya un hende pa bin busk'e pa su mesun seguridad y di





# POLIS A DETENE INTRUSO CU A INVADI PROPIEDAD PRIVA Y A MENASA E BISIÑA CU A RECLAM'E



Diahuebs atardi a drenta informe di cu un hende a subi propiedad priva na un cas na Ponton y un bisiña atento a hala su atencion pero e intruso a menasa e bisiña, mesora a dirigi un patruya na e sitio. Na yegada di e patruya ya e intruso a bay for di e sitio, e bisiña atento a duna de-

scripcion di e sospechoso y den ki direccion ela bay. Polis a bay den e direccion ey y patruyanan a top'e den Scopetstraat mesora nan a control'e y a haya un cuchiu grandi cun'e y a detene.

## FORTALEZA PA FAMILIA

Scirbi pa Pastor Marcel Balootje.

### PA KEDA DEN BENDICION, MESTER MANTENE OBEDENCIA NA DIOS

Desobediencia ta reinando tur caminda, tanto den hecho, como den palabra, respet pa Dios ta wordo exclui cada momento, hende kier biba manera nan kier, sin tene cuenta cu otro, tampoco cu ley, mas tristo ainda, sin tene cuenta cu Dios.

Mientas tanto maldad, inmoralidad, malicia, perversidad, di un forma suave ta buscando entrada tur caminda. E edad pa ta involvi den cosnan baho y practicamente bisa cosnan bergonoso ta bahando dia tras dia, mientras cu hende grandi ta presta nan mes pa bagamunderia.

E balor di obediencia na Dios ta grandi, pasobra obediencia ta trece bendicion, cual ta corre for di cabes te na pia, pasobra ora mayornan ta biba den obediencia na Dios, henter e cas ta bendiciona.

Pero ora hende grandi ta kere cu nan ta mucha, y ta haci cosnan cu mucha mes

ta duda pa haci, anto nos tur sa cu e hogar ta cay den decadencia pa motibo di negligencia di mayor.

Tira un bista y wak con bao di nos hobennan vengansa y reglamento di cuenta ta reina, malo ta wordo paga cu malo, golpi cu golpi, no tin rasonamento di ningun banda.

Pero con un hoben por demostra amabilidad, si na cas e no conoce bondad, sino pleito, provocacion y violencia, ocasiona door di su propio mayornan cu no ta biba den obediencia na Dios of pa mas tristo no kier biba den obediencia na Dios.

Hopi mayor no kier comprende cu nan desobediencia na Dios ta refleha den nan famia, y cu desobediencia ta lanta furia di Dios (Colosensenan 3:6).

Den Deuteronomio 28:1 Dios a priminti lo siguiente:

Awor lo sosode cu si bo obedece cu tur diligencia Señor bo Dios, y per-

cura di cumpli cu tur Su mandamentonan, cu mi ta ordena bo awe, Señor lo halsa bo riba tur e nacionnan di mundo. Y tur e bendicionnan aki lo bin riba bo y alcanza bo, si bo obedece Señor bo Dios.

Señor semper ta cumpli cu su promesa, locual Dios a priminti miles di aña pasa keto bay ta vigente, pa nos tur cu kier biba den obediencia na Dios.

Obediencia na Dios ta trece rikesa spiritual y material, pero caminda placa ta goberna bida, y respet pa Dios ta wordo poni un



banda, bo por ripara cu den tur posesion di material, tristesa tey presente, pasobra desobediencia ta kita goso di hende.

Ta e bendicion di Señor ta haci rico, y e no ta agrega tristesa den dje. (Proverbi-  
onan 10:22).

Ningun caminda no ta para scirbi, cu hende mester perhudica otro den ningun forma pa asina nan alcanza felicidad pa nan mes.

Pesey ta tempo pa nos hobennan cuminsa pensa un tiki, cu ningun hende cu kier envolve nan cu arma y droga, cu violencia y cu

matamento, no ta hende cu kier mira nan bon, asina ey no ta e forma di bira rico.

Dios ta poderoso pa haci tur gracia, abunda pa boso, asina cu teniendo semper, suficiente di tur cos, boso por tin abundancia, pa tur bon obra.

Ta tempo pa pone un banda tur rabia, furia, malisia, calumnia, y palabra sushi for di boso boca.

Y bisti un curason di compasion, cariño, humildad, mansedumbre, y pasenshi.

Laga tur amargura, furia, rabia, griteria, y calumnia, wordo kita for di boso, hunto cu tur malisia.

## CHAPI Y VERF HANDY MAN

Nos ta haci tur sorto di chapi  
y verf cas, edificio, school.  
Nos ta tira sushi afo.

**Cel: 561-1397**